

御題吳梅村集詩

一
函十冊

吳詩集覽卷九

黎城靳榮藩介人輯

五言律詩二之上

高郵道中

大清一統志高郵州在揚州府北少東一百二十里以可赴

召時

途中作

野宿菰蒲晚荒陂積雨痕湖長城入岸塔動樹浮村漁

出沙成路僧歸月在門牽船上瓜隸吹火映籬根

此首是道

中晚景故用野宿起三四是道中所見五六將就宿矣

結到野宿與起處合○鮑詩結茅野中宿菰蒲見塗松

晚發李詩馬首迷荒陂王詩積雨空林烟火遲

一統志高郵湖在高郵州西北三里長闊一百五十里天

長以東之水皆匯此湖達于運河杜詩天閣樹浮秦
庚詩洞渚通沙路賈閻仙詩僧敲月下門南史
張融傳權牽小船于岸上住一統志瓜洲壩在江都縣
南瓜洲鎮又伊婁河在江都縣南二十里卽瓜洲運河
也唐書地理志開元二十六年以州北隔江舟行繞瓜
步回遠六十里乃于京口埭下直趨渡江二十里開伊
婁河二十五里渡揚子立埭吹火
見夜泊漢口盧允言詩流水到籬根

其二

十里藕塘西浮圖插碧虛霜清見江楚山斷入淮徐水

驛難逢樹溪橋易換魚客程愁幾日已覺久無書

此首亦旣

宿而追寫道中所見也結句入情○揚州府志蓮塘浦
在興化縣東南接得勝湖卽六十四蕩間所謂十里蓮
塘是也按宋史楊沂中傳與劉猷戰于藕塘大破之
一統志藕塘鎮在鳳陽府定遠縣東非此詩所指浮圖

見贈蒼雪張子壽詩華池澹碧虛皇甫茂政詩霜清

野翠濃一統志揚州府戰國屬楚秦屬九江郡宋延

清詩崖口衆山斷按淮淮安府徐州府唐書百官

志凡三十里有驛水驛有舟一統志界首驛在高郵州

北六十里季文山詩無因一向

溪橋醉晁以道詩歲晚客程遙

顧瞻泰日起句末一字本可仄住不必押韻若既用

平聲須與本韻相通或前人已叶入本韻者方可按

西字可叶支真先三韻不

入魚虞兩韻梅村偶談耳

其三

曾設經年戍殘民早不堪柳營當午道水柵算丁男雪

滿防旗暗風傳戰鼓酣淮張空幕府樓艦隔江南此就道中

所見而追憶往事也午道丁男不減金荃集甲帳丁年

矣○經年見呈李太虛楊廉夫詩風物感殘民左傳

桓二年民不堪命盧允言詩諸戎拜柳營史記楚世家注一縱一橫爲午道陳書高祖紀軍至義興拔其水柵丁男見松山哀楊炯詩雪暗凋旗畫風多雜鼓聲廣韻防禦也明史張士誠傳小子九四泰州白駒場亭人陷泰州據高郵自稱誠王元兵潰去淮東饑至正十六年二月陷平江士誠自高郵來都之按平江路今蘇州府幕府見遇劉雪舫南史王琳傳乃大營樓艦將圖義舉

其四

甓社重來到人家出遠林種荷泥補屋放鴨柳成陰蝦

菜春江酒烟簑暮雨砧曹生留畫水三十六陂深

原註高郵

有曹生畫水壁米元章極稱之其地有三十六陂此詠現在之景三四承第二句說種荷放鴨皆遠林之家也五六漸引到自已身上結句亦已之所見較第三首慘舒不同矣○一統志甓社湖在高郵州西北杜

詩遠林暑氣薄又率蘿補茅屋陸務觀詩雨泥看

放鳴蝦菜見避亂應碩祝社文有肉如坻有酒如江

鄭守愚詩烟簑春釣靜揚州府志宋曹仁熙高郵

人善畫水采元章畫史高郵寺壁水乃仁熙畫一筆長

丈餘水勢分激如崩劃有聲世所寶惜蘇詩三十六

陂春水白頭想見江南揚州府志高郵州七十二澗之

水皆匯于三十六湖汪

洋浩蕩方二三百里

清江閘

一統志清江閘在揚州府儀徵縣南三里
運河上阮紫坪曰清江閘在淮安郡治之

北二十七里爲運河咽喉舊屬山陽今新歸清

河縣若儀徵之閘其形勢殊不足以當此詠也

且就前後諸詩觀之梅村是由秦郵而北則此

詩定指今之清江浦閘無疑一統志清江浦在

山陽縣西北三十里舊爲沙河土名烏沙河自

郡城東北入淮宋轉運使喬維岳開此直達清

口明永樂初陳瑄重濬置閘

更名清江浦爲水陸之孔道

岸東穿流怒帆遲幾日程石高三板浸鼓急萬夫爭善

事監河吏愁逢橫海兵

原註時有事兩粵兵過海上

我非名利客歲

晚肅宵征

首句形容入妙三四狀鬧之險五六就過鬧者言之大抵爲名利而宵征者也結句掉轉

說言近而旨遠矣○杜詩峽東滄江起帆遲詳補注

■戰國策城之不沈者三板

徐津詩樓上風高笳

鼓急李詩萬夫莫開劉夢得詩日暮行人爭渡急

後

漢書任延傳光武戒之曰善事上官莊子莊周家貧故

往貸粟于監河侯橫海見葺城行

崔顥詩借問

路傍名利客

杜詩一卧滄江驚歲晚詩肅肅宵征

得廬山願雲師書

按梅村贈願雲師序願雲將遠遊廬嶽貽書別予是在遊廬山

以前此詩則正住廬山時也

後又有喜願雲自廬山歸詩

絕頂誅茅處蒼崖怪瀑風書來飛鳥上僧出亂流中世

事千峯斷鄉心半偈空却將兄弟夢烟雨問江東

起二句是

願雲住廬山三四從廬山寄書也第五句跟首二句說第六句跟三四句說末二句又翻進一層言不爲世事鄉心寄書而爲兄弟寄書也醒出得字意○杜詩會當凌絕頂誅茅見九峯歌序蒼崖見臨江叅軍一統志廬山漢陽峯之水西流爲康王谷之谷簾泉東流爲開先寺之雙瀑鮑詩亂流激大壑千峯見西田詩鄉心見送何省齋涅槃經佛言我念過去作婆羅門在雪山中修菩薩行時天帝釋卽下試之自變其身作羅刹像住菩薩前只說半偈杜牧之詩南朝四百八十寺多少樓臺烟雨中按九江府在江西故云

過姜給事如農

見東萊行按如農國變後流寓蘇州自稱宣州老兵此詩自註迎母

會有兵變當在塗中過如農之寓所而非在蘇州也次句點明淮海其在江北可知又東萊行側重如須此詩側重如農各因相值者而然非有軒輊也

侍從知名早蕭條淮海東思親當道梗

原註如農迎母會膠萊有兵亂

哭弟在途窮

原註如須避地没于吳下

骨肉悲歌裏君臣信史中翩

翩同榜客相對作衰翁

首句點明給事次句開出下文思親哭弟正寫其蕭條也五六

爲如農作贊末用自已伴說回映起句○侍從見東萊行更記豫讓傳無所知名

書淮海惟揚州

王詩每

逢佳節倍思親唐書李靖傳至長安道梗

蘇州府志

阮大鍼得志怨咳兄弟必欲殺之塚避至徽州咳變姓

名逃之寧波避跡台宕間之竹石山久之復俱來吳咳

年四十先塚卒哭途窮見行路難註

杜詩弟妹悲歌

裏乾坤醉眼中

韓致光詩莫負美名書信史

翩翩

見贈吳錦雯按梅村與如農俱辛未科陳于泰榜進士

晉書王導傳何至作楚

囚相對衰翁見贈杜退之

遠路

蘇子卿詩征夫懷遠路

遠路猶兵後寒程况病餘裝綿妻子線致藥友人書晚

渡河津馬晨水驛舍車蕭條故園樹多負向山廬

詩成而拈

首二字爲題如杜詩歷歷能畫之類其源出毛詩非專

詠遠路也○鬲秀玉焯詩病餘愁見遠山橫裝綿見

曉發後漢書楊厚傳有詔太醫致藥季楚望詩柳

拂中橋晚渡津陰子堅詩長望倚河津梁簡文帝詩

晨水照彩鸞范致能詩若比廳前荒驛舍杜詩故園

松桂發左太冲招隱詩經始東山廬果下自成榛

過東平故壘

明史劉澤清傳封東平伯駐廬州

重鎮銅龍第雄邊珠虎牌柳穿驍騎箭花落美人釵有

客謀亡海無書勸正淮將軍留戰骨狼藉雒陽街

此首與臨

淮老妓行相似但彼因遇老妓而作此因過故壘而作有
不同耳前半寫其分鎮驕淫後半寫其反覆取禍○

杜詩重鎮還須濟世才按銅龍見維陽行如飛廉白鶴之類而用之鎮將俟考陸韓卿詩又點銅龍門唐書兵志命李德裕立雄邊之軍張思廉詩吐蕃老帥西南來虎頭不挂三珠牌戰國策養由基去柳葉百步而射之百發百中漢書高帝紀北貉燕人來致梟騎廣韻梟與驍通李詩蛟美美人釵晉書孫恩傳知劉牢之已濟江曰孤不差走矣乃虜男女二十餘萬口一時逃入海又伏滔傳以淮南屢叛者論二篇名曰正淮戰骨見蟋蟀盆歌狼藉見松鼠後漢書注洛陽二十四街澤清傳揚州告急命澤清等往援而澤清已潛謀輸欵矣大清

旅泊書懷梁元帝詩旅泊依村樹

已遇江南雪須防濟北冰扁舟寒到酒獨客夜挑燈流

落書千卷清羸米半升徵車何用急慚愧是無能前四句旅

泊後四句書懷曰已過日須防時猶未至濟北也○楊士奇詩河上交冰未江南下雪無一統志泰安府漢初屬濟北國對酒見讚佛詩王詩獨在異鄉爲異客挑燈見後東臯歌荆州記小酉山石穴中有書千卷按羸應作羸說文羸瘦也嚴子羽詩藥補清羸疾晉書宣帝紀諸葛公食可幾米對曰三四升後漢書逸民傳論旌帛蒲車之所徵賁相望於巖中矣

黃東崖贈梅村詩徵書鄭重眠殮損乃第六句注脚也

黃河

原註金龍口決河從北入海清江宿遷水勢稍緩皆起新沙大清會典順治九年黃

河決大王廟一統志宿遷縣在徐州府城東一百里

白浪日崔嵬魚龍亦壯哉河聲天上改地脈水中來潮

落神鴉廟沙平戲馬臺滄桑今古事戰鼓不須哀起二句總

寫河決水勢三四是河從北入海五六是清江宿遷水
緩起沙也結句拓開一步○白浪見鴛湖曲崔嵬見行
路難其七 魚龍見觀打水詞宋延清詩仙遊實壯哉

韋端已詩夢逐河聲出禹門李詩黃河之水天上來

史記蒙恬傳此其中不能無絕地脈哉 潮落見贈

吳錦雯杜詩迎權舞神鴉范致能吳船錄神女廟前有

駟鴉客舟將來則迂于數里外舟過亦送數里土人謂

之神鴉按神鴉楚江甘寧廟洞窟君山巫峽神女廟并

有之見筠廊偶筆一統志戲馬臺在徐州府銅

山縣南滄桑見海戶曲注戰鼓見東萊行

桃源縣

原註在黃河南去淮陽八十里一統志桃源縣在淮安府西一百二十里

豈有秦人住何來浪得名山中難避地河上得孤城桃

柳誰曾植桑麻近可耕君看問津處烽火只縱橫

此首借桃

源以興感也○淵明桃花源記先世避秦時亂率妻子
邑人來此一統志蘇詩一統志莫道長松

浪得名 詩河上乎道遙

桃花源記忽逢桃花林

又有良田美池桑竹之屬

又後遂無問津者 烽火

見聞

州行

膠州

原註時有兵變

一統志膠州在萊州府城

南二百二十里又徐大川奉天人以叅議道

分守萊州順治十年膠州總兵官海時行素驕

蹇奉調南征大用監其軍時行嫉兵爲逆逼大

用同入海不

從遂遇害

將已三年憊兵須六郡豪一時緣調遣平昔濫旌旄後

顧憂輜重前軍敢遁逃只今宜早擊都護莫辭勞

此首以早

擊爲主首二句言師已老兵須練也三句指時行奉調

南征四句追論其濫充總兵官也五六言時行率戀輜

重勢難遠竄引出宜早擊意結句點醒直告伐叛者

前首桃源縣後列白洋河蓋梅村在途而憂膠州之亂

者非其時已到膠州也○公羊傳甚矣憊漢書地理志注六郡謂隴西天水安定北地上郡西河梁簡文帝七勵五陵金穴六郡豪家宋史理宗紀詔選精銳赴京調遣旌旄見避亂元詩後顧前瞻高樹枝史記淮陰侯傳從間道絕其輜重杜詩前軍落大星遁逃見松鼠早擊見松鼠都護見行路難岑參詩留滯莫辭勞

白洋河

原註在淮安西北膠州叛兵從此過河時已收縛一統志白洋河在桃源縣西六

十里白洋鎮接宿遷縣界即潼水之下流也今涸

膠海愁難定孫恩戰艦多却聞挑白馬此處渡黃河一

戰收豺虎千軍唱橐駝淮西兒女笑溟渤亦安波

前四句追

叙膠州之亂後半喜已收縛○一統志膠州有古鎮麻濤守風濤唐家灣諸海口晉書孫恩傳琅邪人孫秀

之族也世奉五斗米道衆惑之就海中資給恩聚合亡命戰艦見葺城行 括地志黎陽津一名白馬津在滑

州白馬縣北三十里一統志白馬故城在衛輝府滑縣

東二十里古黃河東經故胙城縣北其北岸則新鄉汲

縣又東北至濬縣西南其南岸則滑縣北曰黎陽津南

曰白馬津 河防志桃源縣黃河南岸上自白洋河接

宿遷縣界 豺虎見哭志行 杜詩筆陣獨掃千人軍

秦駝見鐵獅歌 梁書曹景宗傳去時兒女悲韓平淮

西碑蔡之婦女迎門笑語 一統志渤海故城在武

定府濱州東北字典溟海也劉孝綽詩安波似未流

過古城謁三義廟

原註去桃源八十里為石崇鎮下邳所築非三國時古城也土

人以傳訛立廟傳奇有桃園結義耳食附會幾

以為真矣 一統志古城在桃源縣西北六十

里明置古城巡司晉書石崇傳字季倫出為征

虜將軍假節監徐州諸軍事鎮下邳 一統志下

邳故城在徐州府邳州東南又有一小城周

三百七十步晉征虜將軍石崇所築史記六國

年表此與以耳食無異又袁盎傳贊雖不好學亦善傅會按陸士衡漢功臣頌作附會按明史地理志桃源元曰桃園洪武初更名西北有古城巡檢司東有三義鎮巡檢司則其附會舊矣

廟貌高原古村巫薦白蘋河山雖兩地兄弟只三人舊

俗傳香火殘碑誤鬼神普天皆漢土何必史書真

此首以不

辨爲辨隨筆戲成也○諸葛孔明黃陵廟碑廟貌廢去使人嘆息羽獵賦相與列乎高原之上范致能詩村巫橫索錢左傳隱三年蘋蘩蕙藻之菜可薦于鬼神杜詩舊俗存祠廟空山泣鬼神百詩思結空門香火緣殘碑見讚佛詩禮勳則左史書之言則右史書之

項王廟

原註在宿遷項王下相人卽其地

救趙非無算坑秦亦有名情深存魯沛氣盛失韓彭垓

下騅難逝江東劍不成淒涼思畫錦遺恨在彭城

此首總括

羽紀情深句人能言之氣盛句罕言之者至失彭則絕無有言之者矣是特開生面處○按救趙指項王引兵渡河殺蘇角虜王離事非無算指趙舉而秦彊何敵之承數語也

史記項羽紀楚軍夜擊阬秦卒二十餘萬人新安城南

又高祖紀乃立季爲沛公又羽紀項羽

爲魯公又爲高祖置太公其上告漢王曰今不急下吾

烹太公漢王曰吾與項羽俱北面受命懷王曰約爲兄

弟云云項羽因從項伯之諫釋太公漢書韓信傳信

數以策干項羽羽弗用信亡楚歸漢又彭越傳項籍入

關越衆萬餘人無所屬漢乃使人賜越將軍印

羽紀

項王軍壁垓下自爲詩曰時不利兮騅不逝史記正義

垓下在亳州直源縣東十里一統志歸德府表鹿邑縣

唐真源縣羽紀縱江東父老憐而王我我何面目見

之又去學劍又不成項梁怒之又富貴不歸故鄉如

衣繡夜行又項王自立爲西楚霸王九郡都彭城

杜詩遺恨失吞吳一統志彭城故城卽今徐州府治

過南旺謁分水龍王廟

一統志南旺湖在兗州府汶上縣西南三十五里分

水龍王廟在南旺湖上運河西岸

鱗甲往來中靈竒奪禹功平分泰山雨兩使濟河風岸

似黃牛斷流疑白馬通始知青海上不必要朝東

首句五字

寫出靈竒恰是南旺分水龍王廟也三四近景五六遠比結句翻空入妙悠然意遠○程詩石鯨鱗甲動秋風

高季迪詩靈竒務窮蒐陳伯玉詩深山尚禹功九

惟泰山爾

一統志

今大清河卽濟水故道自汶上縣

北出至東平州西安山開又西北與運河分流經東阿

平陰長清齊河歷城而會于灤水卽小清河也又北經

臨邑惠民濱州利津而入于海

後赤壁賦斷岸千尺

黃牛見送志衍

白馬見送徐次桓按黃牛白馬屬對

本社

書海岱惟青州

又江漢朝宗于海按一統志

汶水自東而來由分水龍王廟前南北分流入運所謂分水口也此詩末句卽南北分流之意

貼切中有渾成之妙尤展成亦賦此題不及吳作矣

送天台何石湖之官臨晉兼簡蒲州道嚴方公

統

志天台縣在台州府西北九十里臨晉縣在蒲州府東北七十里河東道駐蒲州府山西通志分守河東道嚴正矩湖廣孝感人進士順治十年任又臨晉縣知縣何絃度台州臨海人進士順治十一年任湖廣通志正矩字方公崇禎癸未進士順治初授嘉興推官歷戶部左侍郎致仕自此首以下皆梅村應召入京後作

山色界諸盤河流天際看孤城當古渡絕岸入王官社

鼓堯祠近鄉書禹穴難若逢嚴夫子爲報故人安

前四句是

之官時途中所見五句臨晉六句天台七八兼簡方公
○山色見書蘭曲一統志八盤山在蒲州府永濟縣南
二十里山西通志臨晉縣黃河在縣西三十里天際
見送施愚山王詩荒城臨古渡山西通志王官谷
在蒲州府虞鄉縣東南十里司空表聖山居記有谷之
名本以王官廢壘在其側馬臻字志道詩日午諸村
社鼓喧元和志堯廟在平陽府臨汾縣東八里揭曼
碩詩鄉書迷楚越禹穴見謁伯成漢書司馬相如傳
注師古曰嚴忌本姓莊當時尊尚號曰夫子史家避漢
明帝諱故遂爲嚴耳按方公梅村丙子所取士也而借
用夫子字蓋此詩
本爲石湖作地耳

送紀伯紫往太原

感舊集補傳紀映鍾字伯紫一
字伯子號蕙叟自稱鍾山遺老

江南上元人移居儀真一統
志太原府至京一千二百里

不識盧從事能添幕府雄河穿高闕塞山壓晉陽宮霜

磧三關樹秋原萬馬風相依劉越石清嘯戍樓中

此伯紫赴

晉幕而梅村送之也中四句寫太原首尾相應盧劉用太原事○晉書盧諶傳劉琨以諶爲主簿轉從事中郎

幕府見讀西臺記

水經河水東逕高關南注陰山下有長城長城之際連山刺天其山中斷望若闕然故

有高關之名也一統志黃河在吳喇忒旗南五十里又東流折而南又東南流入歸化城土默特界史記匈奴

傳趙武靈王自代并陰山至高關爲塞綱目質實高關塞在大同府城西北四百二十里一統志嬰山在太

原縣西北三里蒙山在太原縣西北五里晉陽宮在太原縣北按一統志自澤潞以北達于大同東境皆太行

山梅村此句仍指太行山非指嬰蒙也魏書地形志武定初齊獻武王置晉陽宮元和志晉陽宮在并州城內

唐書地理志晉陽宮在北都之西北劉蒞靈詩葦葭霜磧雁初迴明統志倒馬紫荆偏頭爲三關按倒馬關

在廣昌縣南七十里紫荆關在易州西偏頭關卽偏關縣屬山西寧武府李重規詩總轡臨秋原萬馬見雁

長寺長竟卷九上

門尚書行 晉書劉琨傳字越石在晉陽嘗爲胡騎所圍數重城中窘迫無計琨乃乘月登樓清嘯賊聞之皆凄然長歎中夜奏胡笳賊又流涕歔歔向曉復吹之賊並棄圍而走 梁元帝詩江槎擁戍樓

其二

羨殺狂書記翩翩負令名軍知長揖貴客傲敝裘輕酒肆傳呼醉毬場倒屣迎須看雁門守不及洛陽生 此寫其賓

主相得句句跟狂字說下○ 後漢書 禰衡傳 衡爲作書

記 翩翩見哭志衍注 禮 將爲善思貽父母令名 漢

書汲黯傳 夫以大將軍有揖客反不重耶 呂氏春秋

巫馬期短褐衣敝裘而往觀化于單父 酒肆見凌烟

閣圖傳呼見彈琴歌 毬場見哭志衍 三國志 王粲傳

中郎將蔡邕聞粲在門倒屣迎之 後漢書 王符傳 度

遼將軍皇甫規解官歸安定鄉人有貨得雁門太守者亦去職還家書刺謁規臥不迎旣入而問卿前在郡

食雁美乎有頃又白王符在門規素聞符名乃驚遠而
起衣不及帶屣履出迎接符手而還與同坐極歡時人
爲之語曰徒見二千石不如一縫掖言書生道義之爲
貴也按符傳安定臨涇人而詩用洛陽潘皆山曰疑借
賈誼以
比紀也

其三

客舍同三子春風去住愁

原註三子韓聖秋胡彥遠
及伯紫也時彥遠已先行那

知爲此別五月又并州榆莢催征騎榴花落御溝知君

分手意端不爲封侯

首句言與三子同舍次句彥遠先
行也三四伯紫又往太原矣五六

言春已欲去夏方成行夫遲遲而後別者非汲汲于名
利也寫出伯紫身分○客舍見攀清湖感舊集補傳韓
詩字聖秋號固菴陝西涇陽籍三原人官兵部職方司
郎中杜詩去住損春心周禮正北曰并州四民

月令二月榆莢成征騎見訪霍魯齋韓詩五月榴花
照眼明御溝見青門曲沈休文詩分手易前期史
記衛將軍傳
官至封侯

其四

佐府偏多暇從容岸幘時詩成千騎待檄就百城知從

獵貪呼妓行邊快賭棊歸將出塞曲唱與五陵兒

此詩與第

二首相似然第二首承依劉越石來意注居停此首承
分手意來意注伯紫且預囑歸興也南史謝靈運傳

以韻語序義慶州府僚佐謝元暉詩國小暇日多晉
書謝奕傳岸幘笑詠舌羅敷行東方千餘騎按千騎

待暗用日試萬言倚馬可待語梁書樂藹傳可以爲
百城表矣從獵見讚佛詩劉辰翁詞曾錦鞍呼妓金

屋藏嬌宋史范育傳詔育行邊賭棊見送沈繹堂注

晉書樂志出塞入塞曲李延年造五陵兒見銀泉

山

送友人往真定

〔一統志〕正定府在京師西南六百一十里

五月常山去滹沱雨過清賣漿無舊隱挾瑟有新聲曳

履叢臺客投戈熊耳兵如逢趙公子須重魯連生

起句記時

與地三四懷古五六言人好客而時已清引起結句俱

貼正定說○常山見雕橋莊歌滹沱見讀西臺記

更記信陵君傳公子聞趙有處士毛公藏於博徒薛公

藏於賣漿家〔古樂府〕相逢行作使邯鄲倡又挾瑟上

高堂新聲見琵琶行序〔唐書〕馬周傳鳴玉曳履〔一統

志〕叢臺在廣平府邯鄲縣城東北〔後漢書〕樊準傳投

戈講藝息馬論道又劉盆子傳樊崇乃將盆子肉袒降

積甲宜陽城西與熊耳山齊按宜陽今屬河南府疑借

用更記魯連傳吾始以君爲天下之賢公子也吾乃

今然後知君非天下之賢公子也又新垣衍起再拜謝

日始以先生爲庸人吾乃今日知先生爲天下之士也

送純祐兄浙中藩幕

純祐見贈
穆大苑先注

散吏仍爲客輕帆好過家但逢新種柳莫話久看花黃

閣交須舊青山道未賒獨嗟兄弟遠辛苦滯京華

純祐後官

確山此時尚在京需次故曰散吏曰爲客過家指往浙幕言■時世多輕前輩故囑以莫於新知前矜老宿也又慰之曰京僚尚有舊交不至途窮惟兄弟相別爲可念耳辛苦字有含蓄可抵得送何省齋一篇○後漢書胡廣傳隨輩入郡爲散吏杜詩輕帆好去便柳子厚詩種柳柳江邊看花見琵琶行百詩黃閣交瓊龍王詩瑤臺道路賒辛苦見遇劉雪舫京華見贈陸生

一第添憔悴似君遭遇稀杜門先業廢乞祿壯心違歌

管移山棹湖光上客衣浪遊裘苟足叩我故園扉

前四句是

未赴浙以前之事後四句既赴浙以後之事結句預約其歸也○唐書元結傳一第涸子爾遭遇見讀西臺記更記商君傳公子虔杜門不出國語亦能纂修其身以承先業晉陽秋羅友以家貧乞祿杜詩白首壯心違鮑詩歌管爲誰清按山棹謂傍山之舟湖光見福源精舍章端已詩莫遣楊花上客衣杜詩真成浪出遊虞炎詩方掩故園扉

其三

亦有湖山興棲遲減宦情官非遷吏傲客豈故侯輕粉

壁僧寮畫烟堤妓舫聲從容趨府罷斗酒聽流鶯

此寫純祐

遊興三四是散吏爲客後半首是湖山興也○退之滕
王閣記而人自得于湖山千里之外晉書阮裕傳吾
少無宦情胡曾謝賜錢啟悉用豎儒皆除遷吏郭景
純詩漆園有傲吏故侯見讀史雜詩劉孝綽詩浮
光亂粉壁陸務觀詩屋窄似僧寮韋端已詩依舊烟
籠十里堤高季迪詩湖中妓筋歌聲舌羅敷行盈
盈公府步冉冉府中趨高上傳戴顓春日攜雙柑
斗酒人問何之答曰往聽黃鸝聲流鶯見鴛湖曲

其四

忽忽思陳事全家客刻中江山連暮雨身世隔殘虹高

館燃官燭清猿叫曉風一竿秋色裏踪跡媿漁翁

此寫浙幕

客况末句勸歸與其二同意○

漢書梁孝王傳意忽忽

不樂爾亭詩序以爲陳迹

一統志刻縣故城在紹興

府嵒縣西南

杜必簡詩日氣抱殘虹

高館見玉京

墓季詩官燭未曾燃

王詩石上聞清猿唐明皇詩雞

聲逐曉風

岑參詩辜負

一魚竿

漁翁見題代笠

曹秋岳龔芝麓分韻贈趙友沂得江州書三字

曹龔

並見七言古

白詩素壁聯題分韻句趙友沂

詳哭趙友沂梅村七律有送友沂下第南歸一首與此蓋一時作也其一云浪跡愁偏劇其二云不須身貴早其三云不遇却難留意可見矣

策馬高原去烟鴻仰視雙疎鐘穿落木殘日動寒江浪

跡愁偏劇孤懷俠未降舊交相見罷沽酒話南牕

此預寫友

沂歸去之事策馬高原初入歸途仰視雙鴻亦高飛冥冥之物也三四寫景五六寫情結句預言南中舊交相見正是寫京中舊交相送也用意深一步○高原見過右城唐太宗詩迷路飛烟鴻後漢書馬援傳仰視飛鷺王詩秋雨聞疎鐘落木見送何省齋陳季常詩籬落映殘日杜詩寒江動碧虛浪跡見楚兩生行序

陸務觀詩 餞歲愁雖劇 孟東野詩 孤懷吐明月 韓詩
劉生俠氣老不除 史記 吳世家 季札使於鄭 見子產
如舊交 歸去來
辭倚南窻以寄傲

其二

誰識三公子 蕭條下澤車 門高輕仕宦 才大狎樵漁 黃
葉窮幽興 青山出異書 不須身貴早 千騎上頭居 此首作慰

藉之詞起二句言不遇而歸三四卽孤懷俠未降意五
六寫歸去之樂結句醒出仍回應三公子也晉書高
密王泰傳 不識者不知其王公也漢書杜延年傳 延年
三公子 後漢書馬援傳 乘下澤車 注 行澤者欲短轂
短轂則利 門高見贈文園公史記 平準書 市井之子
孫不得仕宦爲吏 杜詩 何處狎樵漁 易林 隕其黃
葉杜詩 平生爲幽興 異書 見汲古閣歌中 郎注
杜詩 身貴不足論 舌詩 東方千餘騎 夫婿居上頭

其三

已歸仍是客不遇却難留更作異鄉別倍添游子愁風

霜違北土兵甲阻西州一雁低飛急關河萬里秋

此首筆勢

飛騰無一平行語言進退兩難之際在京話別倍添友
沂之愁也五句是不遇難留六句是已歸仍客結句則
異鄉之別游子之愁蒼茫無盡○更記李將軍傳惜乎
子不遇時 庾詩誰言舊國人在他鄉別 游子見
送何省齋 風霜見遺問其二左傳昭四年冀之北土
馬之所生 一統志西州城在江寧府上元縣西晉揚

州刺史治所

字山哀江

南賦蘇武之一雁空飛

友沂生於長沙隨父洞門寄籍江都故此云違北土
阻西州七律云最是淮南遇搖落哭友沂云太息賈
生歸未得湘花湘草夕陽邊也洞門
官至工部尚書故 用三公子耳

病中別孚令弟

極村壽錢臣展序吾季弟孚令

昨歲衝寒別蕭條北固樓關山重落木風雪又歸舟地

僻城鴉亂天長塞雁愁客程良不易何日到揚州

昨歲赴

召孚令於鎮江送別正衝寒木落時也鎮江在江南揚州在江北故江樓別字令詩云雲山兩岸傷心裏明日扁舟聽曉風時孚令未到揚州及其來省京邸再見木落而孚令又欲歸矣城鴉塞雁如助別恨長途遙遙何日到去歲送別之地乎纏綿悱惻情見乎辭○衝寒見送穆大苑先北固見閩園序落木見送何省齋注劉文房詩風雪夜歸人謝元暉詩天際識歸舟地僻見磬清湖王詩城鴉拂曙烟老子天長地久季後主詞塞雁高飛人未還晁補之詩歲晚客程遙岑參詩何時到雍州

其二

秋盡霜鐘急歸帆畏改風家貧殘雪裏門閉亂山中客

睡愁難熟鄉書喜漸通長年沽市酒宿火夜推篷

梅村作詩

每用透過一層兩層法如此詩預寫字令歸舟情事已
透過一層矣殘雪亂山又是字令在舟中預思家裏則
透過兩層也惟其有此思量是以難睡而愁又因近鄉
而喜則當令舟子沽飲以消長夜也歸帆推篷首尾相
應○霜鐘見退谷歌 歸帆見山水圖歌 杜必簡詩
梅花落處疑殘雪 亂山見穆苑先往榻廬 杜詩客
睡何曾着 鄉書見送何石湖 長年見送周子俶
羣應物詩空林無宿火沈通理詩風雨夜推篷

其三

十日長安住何曾把酒尊病憐兄疆飯窮代女營婚別

我還歸去憐渠始出門往來幾半載辛苦不須論

字令到京

爲日無多適逢兄病代爲營嫁何嘗有把酒之樂乎况
值言歸而以初作客之人往來半載其辛苦更何如者
意俱真摯○把酒見東萊行歸去來辭有酒盈尊〔史
記外戚世家〕行矣疆飯勉之〔南史孝義傳〕吳翼之母
丁氏同里陳襄孤單無親戚丁收養之及長爲營婚娶
陶有歸去來辭憐渠見課女辛苦見遇劉雪舫

其四

消息憑誰寄羈愁祇自哀逾時游子信到日老人開久

病吾猶在長途汝却回白頭驚起問新喜出京來

此首從老

父說言字令歸後方得確聞也○〔杜詩〕死去憑誰報

陳子良詩故鄉千里外何以慰羈愁 游子見送何省

齋 〔劉夢得詩〕不爲老人開 〔杜詩〕亂後嗟吾在 〔又

不必取長途 〔元詩〕垂死病中驚坐起 〔杜詩〕失喜問

京華

其五

早達成何濟遭時信渺歡

集作
渺歡

客游三月病世路一生

難憂患中年集形容老輩看相逢俱壯盛五十未爲官

此首就自己說言老病交迫翻用五十服政語○南史

張纘傳時人以爲早達遭時見避亂張平子東京賦

慘則渺於歡魏文帝詩有似客遊世路見呈李太

虛世說謝太傅語王右軍曰中年傷於哀樂與親友

別輒作數日惡杜詩江上形容吾獨老老輩見

題志衍書曹孟德樂府壯盛智慧殊不再來

其六

此意無人識惟應父子知老猶經世亂健反覺兒衰萬

事愁何益浮名悔已遲北來三十口盡室更依誰

疾痛
慘怛

未嘗不呼父母也三四代父立言更爲眞摯觀前首之
早達何濟此首之浮名自悔愈知五十未爲官是欣羨
他人非爲孚令作不遇賦也○百詩此意人不知杜
詩世亂遭飄蕩神仙傳漢武遣使者行河東忽見城
西有一女子笞一老翁使者怪問之曰此翁乃妾子也
昔吾舅氏伯山甫以神藥教妾妾教子服之不肯今遂
衰老行不及妾李詩歸隱謝浮名北來見遇
南廂園叟杜詩兩京三十口盡室見送何省齋

其七

似我真成誤歸從汝仲兄教兒勤識字事母學躬耕州

郡羞干請門庭簡送迎古人親在日絕意在虛名

此示
孚令

而兼示仲弟也三四以下兩弟俱在內絕意虛名是闕
歷語○杜詩識字用心苦躬耕見汲古閣歌馮敬
通自論復羈旅於州郡宋史陳白強傳仕進干請必諧
價而後予史記李斯傳門庭車騎以千數晉書皇甫

謚傳吾送迎不出門 現在
見遺闕 虛名見送何省齋

其八

老母營齋誦家貧只此心
飯僧餘白氎裝佛少黃金骨

肉情難盡闕山思不禁楞嚴經讀罷無語淚痕深

此專就母

氏說○陳書王元規傳築室屏居以禪誦爲事 李文

山有飯僧詩梁書高昌國傳草實如蠶蠶中絲如細縷

名爲白疊子國人多取織以爲布杜詩光明白氎中

後漢書天竺國傳明帝夢金人長丈餘頭有光明以問

羣臣或曰西方有神名曰佛其形丈六而黃金色梅村

壽于太夫人序吾母朱淑人精心事佛嘗於鄧尉山中

創構傑閣虔奉一大藏教而余之貧至使吾母伊蒲之

供出于損衣節食之所存 采史藝文志首楞嚴經十

卷 杜必簡詩

淚痕銷夜燭

其九

寡妹無家苦拋離又一年老親頻念此別語倍潸然性

弱孤難立門衰產易捐獨留兄弟在中外幾人憐

此專就寡

妹說而以老親立言厚望諸兄弟也想見梅村篤於同

氣○無家見避亂

高達夫詩霜鬢明朝又一年

詩

潛焉出涕

劉勰新論風之體虛水之性弱

南史王

華傳華宋世貴盛以門衰提攜從弟琨恩若同生

世

說謝胡兒作何堪傳不識堪何似人咨謝公謝公答曰

堪烈之子阮千里姨弟兄潘安仁中外安仁詩所謂子

親伊姑我父惟舅

其十

穉子稱奇俊迎門笑語忙挽鬚憐尚幼摩頂喜堪狂小

輩推能慧新年料已長吾家三萬卷付托在兒郎

此專就教

子說觀其語意非指梅村子也○歸夫來辭稚子

候門北史儒林傳於是超擢奇儁厚賞諸儒退之平

淮西碑迎門笑語杜詩同事競挽鬚誰能卽嗔喝

南史徐陵傳陵年數歲寶誌摩其頂曰天上石麒麟也

杜詩漫卷詩書喜欲狂晉書謝安傳小兒輩遂已破

賊杜詩鴛入新年語韓詩鄭侯家多書插架三萬

軸付托見讀史雜

詩兒郎見詠山茶花

再寄三弟

按再寄者在孚今出京後也

拙宦直無計歸謀數口資海田人戰後山稻雨來時官

稅催應早鄉租送易遲荷鋤西舍叟憐我問歸期

歸去來兮

田將蕪胡不歸是此詩註脚五六應字易字最用意○

潘安仁閒居賦序岳嘗讀汲黯傳至司馬安四至九鄉

而良史書之以巧宦之目未嘗不慨然廢書而歎曰嗟乎巧誠有之拙亦宜然無計見後東皐歌〔歐〕詩海

田秋熟早〔按〕此卽蘆州行海畔老田之意非指麻姑東海田也〔山〕稻字出史記大宛傳〔陶〕詩帶月荷

鋤歸西舍見直溪吏〔李〕詩長安如夢裏何日是歸期

江南奏銷之案梅村亦受其累故催租之苦屢形吟詠此云官稅催應早鄉租送易遲急公恤佃兩得之矣與其七州郡羞干請門庭簡送迎俱長者之言

其二

五畝山園勝春來客喚茶籬荒謀補竹溪冷課栽花石
逆墻根動松欹屋脚斜東莊租苟足修葺好歸家〔歸〕去來兮

園將蕪胡不歸是此詩註〔杜〕詩山園細路高〔周〕子詠八哥詩客來可喚僕傳茶〔張〕如哉〔杜〕課伐木

詩序我有藩籬是缺是補載伐篠簞伊仗支持溪冷
見溪橋夜話元詩何事悲花誤世人袁伯長詩石迸
根駢胸杜詩牆根菊花好溫飛卿詩松欹墮復搖
杜臆崔氏草堂在東山可稱東莊則朝川固可稱爲西
莊矣南史宋武帝紀

詔以來歲修葺庠序

別字令十首止叙骨肉不及家事卽識字躬耕亦非
求田問舍語也此兩首似乎一首求田一首問舍梅
村胸中何以有此然首篇憐我問歸期次篇修葺好
歸家已爲點睛蓋梅村宦興甚薄歸思甚切正與求
田問舍一輩人相反卽看作
農圃爲樂亦屬皮相詩人矣

再送王元照

元照見九友歌張如哉曰七言絕有
送王元照還山詩八首與此同時作

此詩在後故曰再
送非兩次送別也

行止頻難定裝輕忽戒塗望人離樹立征棹入雲呼野

色平沙雁朝光斷岸蘆此中蕭瑟意非爾不能圖

元照不羈

之士故以飛動之筆送之結句點染善畫意○王無功詩單舟戒輕裝宋書宗室傳未及戒塗

按望人指送

行者以舟行之速故離樹而望也

李巨山詩征棹三

春暮村詩稚子入雲呼

賈闔仙詩過橋分野色按琴

曲有平沙落雁

杜詩朝光入窻牖後赤壁賦斷岸千

尺陶詩此中有真意

史記田儋傳贊無不善畫者

莫能圖何哉王介甫詩佳哉子能圖

送孫令修游真定

令修正定皆已見

窮蓬非吾事霜林萬象凋北風吹大道別酒置河橋急

雪迴征雁低雲壓怒鵬曾爲燕趙客寥落在今朝

三四維健

餘亦相稱令修曾爲長垣令故七句及之○法書要錄羊欣師資大令擬若嚴霜之林萬象見磬清湖吳叔

庠詩悲衝別時酒庠詩河橋獨舉觴村詩急雪舞回
風褚希明詩風嚴征雁遠庠詩陰雲斂向低米元章
詩不勝雄狐逐怒鵬錢仲文詩燕趙悲歌士長垣縣
志知縣孫以敬崇禎十七年任寥落見楚兩生行

三十一

上

吳詩集覽卷九下

五言律詩二之下

送周子俶張青瑯往河南學使者幕

國朝詩別裁集張宸字

青瑯江南華亭人官部郎汪鈍翁序青瑯詩謂其長于臺閣體梅村先生推許之按梅村有送張編修督學河南詞此詩張壯武卽其人也詳卷二十下

不第仍難去棲遲幕府游幾人推記室自古在中州置

酒龍門夜論文虎觀秋得依張壯武揮麈盡風流此首已盡

題面又六首之破題也○唐書選舉志登第者加一階

其不第則習業如初幕府見讀西臺記魏志王粲

傳太祖并以陳琳阮瑀爲司空軍謀祭酒管記室史

記天官書衡殷中州河濟之間元和顧學潮小韓曰

龍門用錢思公事聞見錄謝希深歐陽永叔官洛陽時同游嵩山自穎陽歸暮抵龍門香山雪作忽於烟靄中有策馬渡伊水來者既至乃錢相送厨傳歌妓至吏傳公言山行良勞當少留龍門賞雪府事簡無遽歸也一統志闕塞山在洛陽縣南一名伊闕山亦名龍門山後漢書章帝紀詔諸儒會白虎觀講議五經同異晉書張華傳進封壯武郡公居易錄今青州府諸城東二十里有壯武城是其地也按一統志壯武故城在萊州府卽墨縣西與史記正義合

歐陽永叔詩玉塵間揮白日長

三四用十字句法其源出於毛詩我不敢傲我友自逸

其二

少室多奇士君尋到幾峰山深惟杖策雲盡却聞鐘文

字真詮近鬚眉道氣濃相貽書一卷歸敕葛陂龍

原註子儼

好道學使者職在校士故欲子傲青瑯得奇士而賞
異書也然中四句不言訪士而言尋山尋山又卽是訪
士俱跟首句少室說下起結互映極風雨離合之奇○
少室見王石谷畫漢書司馬遷傳自守奇士杖策見
又詠古羊士諤詩霽色朝雲盡聞鐘見闐園序文
字見二十五日詩權載之詩心冥卽真詮莊子水靜
則明燭鬚眉李義山詩許掾全家道氣濃陶詩冥報
以相貽書一卷見贈吳錦雯葛陂龍見龍腹竹歌

其三

二陸來江左三張入雒中賦誇梁苑雪歌起鄴臺風儉

父休輕笑吳儂雅自雄短衣頻貰酒射獵過城東

此舉中州

故事以贊子傲青瑯○晉書陸機傳太康末與弟雲俱

入洛張華曰伐吳之役利獲二俊又張載字孟陽協

字景陽亢字季陽時人謂二陸入洛三張減價梁苑

見雪中遇獵謝惠連雪賦梁王不說遊於兔園一統

志三臺在臨漳縣西南鄴城內西北隅 僖父見廿五

日詩 蘇詩語音猶是帶吳儂 李嘉祐詩論兵氣自雄

短衣見和西田韻 黃酒見海戶

曲 高達夫詩往來射獵西山頭

其四

誰失中原計經過廢壘高秋風向廣武夜雨宿成臯此

地關河險曾傳將士勞當時軍祭酒何不用吾曹

此就中州

而感慨懷古於餞送詩中別開生面用經過祭酒縮歸

周張甲裏 三四向字宿字承經過說下廣武成臯承

廢壘說下忽轉云廣武成臯可謂險矣而將士徒勞豈

非幕府無人以致中原失計乎首尾又歸注周張與泛

然咏古者不同○大戴禮是以慮無失計中原見贈蒼

雪 杜詩幽棲地僻經過少廢壘見遇南廂園叟 史

記項羽紀注於滎陽築兩城相對曰廣武一統志河陰

縣廣武山下卽楚漢戰處 又成臯故城在汜水縣西

北左傳隱元年制嚴邑也莊二十一年鄭伯定王室王
與之武公之畧自虎牢以東一統志今汜水縣城卽故
闕城唐時移也崔顥詩河山北枕秦闕險錢仲文
詩黎庶翻慚將士勞軍祭酒見其一注後漢書百官
志注官祭酒皆一位之元長者也古禮賓客得主
人饌則老者一人舉酒以祭於地吾曹見避亂
三四語自然入妙不
由雕飾此詩品也

其五

極目銅駝陌宮牆噪晚鴉北邙空有骨南渡更無家青

史憐如意蒼生遇永嘉傷心譚往事愁見雒陽花此首淋瀝

盡致而以極目談往收入周張甲裏是詩律細處○極
目見蕩子失意行陸士衡洛陽記銅駝街在洛陽宮南

金馬門外劉夢得詩飛入宮牆不見人噪晚鴉見青

門曲一統志北邙山在洛陽縣北見洛陽行南

渡見玉京彈琴歌 青史見遣悶如意見洛陽行 書
光天之下至于海隅蒼生通鑑晉懷帝諱熾字豐度武
帝第二十五子也永嘉元年春正月癸丑大赦改元
范彥昇詩洛陽城東西長作經時別昔去雪如花今來
花似雪

按第三句五句福王常洵第
四句六句福世子由崧也

其六

河流天地盡白日待銷沉不謂斯文喪終存萬古心典

墳留太學鐘鼓起華林清維安瀾後遺編定可尋歸到典學

是六首結語也○王詩江流天地外楚辭費白日些

銷沉見葺城行宋史陳亮傳開拓萬古之心胸左

傳昭十二年是能讀三墳五典後漢書蔡邕傳奏求正
定六經文字靈帝許之邕乃自書冊於碑使工鐫刻立

於太學門外詩於論鼓鐘一統志華林園在故洛陽城中晉泰始四年幸華林園與羣臣宴射賦詩潘安仁籍田賦清雒濁渠引流激水一統志洛水出陝西商州流入河南盧氏縣境至鞏縣入大河四子講德論天下安瀾比屋可封高

達夫詩禹穴訪遺編

阮紫坪曰崇禎季年汴河之決中州文獻盡付洪波斯文喪蓋指此故以尋遺編結之

送湘陰沈旭輪謫判深州

一統志湘陰縣在長沙府北一百二十里深州

在京師西南六百一十二里蘇州府志沈以曦旭輪臨湘人順治二年任長洲縣知縣三年陞本府推官深州志沈以曦岳州府臨湘縣人前庚辰進士順治十一年由蘇州府推官謫任深州州判陞博興縣知縣按旭輪梅村丙子所取士也湘陰當作臨湘

謫宦經年待蹉跎忝此州猶然領從事未得比諸侯旅

食沾微祿官塗托浪游却嫌持手板廳壁姓名留

前四句有

騰躍之勢在加出經年待一層後四句自如破竹矣○

枉詩

謫宦兩悠然經年見呈李太虛 蹉跎見送何省

齋王詩若見州從事無嫌手板迎 王子安詩昌亭

旅食年杜詩何日沾微祿 隋書劉炫傳由是官途不

遂浪游見送純祐 周禮天官司書疏古有簡策以記

事若在君前以笏記事後代用簿簿今手板 獨孤至

之江州刺史廳壁記秦以後國化爲郡史官廢職簡牘

之制寢滅記事者但用名氏歲月書于公堂而春秋禱

其來舊矣

其二

月出瀟湘水思家正渺然不知西去信可上北來船故

舊憐除日妻孥笑俸錢免教烽火隔飄泊楚江邊

三四用十

字句亦不肯作平行語○瀟湘見歸雲洞 思家見訪

霍魯齋趙承祐詩獨上江樓思渺然 雍國鈞詩西去

經過欲一聞 北來見別乎 姚合詩一日看除目

子瞻表妻孥之所竊笑退之進學解月費俸錢 烽

火見閩州行 飄泊見避亂

其二李詩天門中斷楚江開

其三

此亦堪爲政無因笑傲輕爾能高治行世止薄科名烟

井流移復春苗斥鹵耕古來稱一尉何必尚專城 此首爲旭

輪作慰勉之詞○退之椰子厚墓誌子厚得柳州旣至

嘆曰是豈不足爲政耶 笑傲見閩園詩 漢書趙廣

漢傳以治行尤異遷京輔都尉守京兆尹 王元之詩

御前曾取好科名 烟井見二十五日詩流移見松山

哀 杜詩隨意點春苗說文鹵鹹地東方謂之斥西方

謂之鹵 舊唐書員半千傳授武陟尉發倉粟以給饑

人懷州刺史郭齊宗大驚因而按之時黃門侍郎薛元超爲河北道存撫使謂齊宗曰公百姓不能救之而使惠歸一尉豈不愧也
專城見礬清湖

其四

豈不貪高卧其如世路非故園先業在多難幾時歸遇

事愁官長逢人羨布衣君看洞庭雁日夜向南飛

此首爲旭

輪作招隱也無一平行之筆○高卧見退谷歌

世路

見呈李太虛

先業見送純祐

多難見送王子彥

杜詩醉則騎馬歸頗遭官長罵

一統志洞庭湖在岳

州府巴陵縣西南張正言詩南入洞庭隨雁去

秋興

賦雁飄飄

而南飛

送王子彥南歸

前送子彥自注云王以孝廉不仕因事避吏將入都此云子彥已

謁選得官需次未授蓋前詩自故里送子彥此詩于都門送子彥故有憂患妨高卧衰遲累遠行語也至子彥爲增城令又在此詩以後國初按籍銓選不必其人在部也湖廣通志載此詩作送畢寸臣還斬水非

得失歸時輩如君總不然共知三徑志早定十年前身

業先疇廢家風素德傳蕭條書一卷重上故鄉船子彥未授

官而歸故多慰藉之詞三四亦十字句法也○後漢書竇章傳收進時輩甚得名譽高達夫詩此翁殊不然

三徑見遺闕

後漢書班固傳農服先疇之畝畝

家風見送杜敬武晉書王承傳素德清規足傳于汗簡矣

其二

一第雖無意名場技有餘解願匡鼎說運腕率更書材

已遭時棄官猶辱

詔除白頭纔一命需次復何如

原註

子彥已謁選得官需次未授

前半寫子彥才品後半惜其需次○一第見送純祐南唐書韓熙載傳以卿

早奮名場

漢書匡衡傳字稚圭東海承人也諸儒爲

之語曰無說詩匡鼎來匡說詩解人願服虔曰鼎猶言

當也張晏曰衡少時字鼎

續書譜不可以指運筆以

腕運筆唐書歐陽詢傳字信本潭州臨湘人初倣王羲

之書後險勁過之貞觀初歷太子率更令

後漢書馬

融傳謂融羞薄詔除

史記孔子世家一命而僂宋

子答方耕道畫今

茲需次暫得閒日

其三

錯受塵途誤栖栖蚤半生中年存舊業雅志畢躬耕憂

患妨高卧衰遲累遠行與君嗟失路不獨爲無成

後半篇以

自己伴說情文俱妙○荀仲豫申鑒衣裳服者不昧于塵途愛也

朱喬年詩

我亦惜花癡半生

中年見別

孚令舊業見閩園詩

雅志見贈雪航躬耕見汲古閣

歌高卧見退谷歌

衰遲見贈願雲師

漢書揚雄

傳當塗者升青雲失路者

委溝壑

易无成有終

其四

客裏逢中表登臨酒一杯好將身計拙留使後人材燈

火鄉園近風塵笑語開相攜孫入抱解喚阿翁來

原註子彥

近得孫余之外孫也

此首叙親戚之情話結更入妙

○中表見贈文園公

登臨見送志衍嵇叔夜絕交書

濁酒一杯彈琴一曲

身計見送沈繹堂

材闕疑

禮君子抱孫不抱子爾雅女子子爲外孫

周書陸騰

傳阿翁真得好婿程迓亭
曰子彥子天植即公婿

代州

代州見雁門尚書行按梅
村未至代州蓋遙賦之也

萬里無征戍三關却晏然河來非漢境雪積自堯年將

老空屯卧

篋衍集
作老將

僧高絕漠還

篋衍集
作殘僧

中原偏戰鬪此

地不爲邊

三四工鍊○顏延年詩憔悴征戍勤
見送紀伯紫晏然見磬清湖序

一統志黃

河在太原府興縣西按代州屬太原府雍正二年升爲
直隸州梅村作詩時仍隸太原司空表聖詩黃河却勝

天河水萬里縈紆入漢家一統志五臺山在代州五
臺縣東南爲靈鷲峰今名菩薩頂東麓有萬年冰九夏

不消桃李生冰隙梁書白紵歌舜日堯年歡無極老
將見遇南廂圍叟蘇子由詩兵散有空屯一統志金

蘇陀室利中印度那蘭陀寺僧慕清涼文殊住處與弟
子七人航海而來殞者三還者三惟蘇陀室利六載始

達臺山時年八十五矣季正已詩塵尾坐僧高漢書衛
青傳軍絕幕注幕漫也程大昌北邊備對幕者漠也言
沙磧廣莫望之漠漠然也國語戰鬪直爲壯
曲爲老文獻通考代州三面臨邊最爲險要

送穆苑先南還

此在京而
送苑先也

遍欲商身計相逢話始真幸留殘歲伴忍作獨歸人年

遍愁中老家安夢裏貧與君謀共隱爲報故園春

梅村
與苑

先同學至契故不作泛泛送別語遍欲商身計逢人卽
相商也曠括得送何省齋盛言推名位又責以宜退兩
段相逢話始真則歸重苑先矣而相逢字已逗出送字
意三四幸其留怨其去也五六將自己與苑先合說從
殘歲伴獨歸人轉出七句點明共隱是真身計也八句
有送字意在內○身計見送沈繹堂羅昭諫詩只此
留殘歲王詩萬里一歸人杜詩何得愁中却盡生
張子壽詩所思如夢裏杜詩更起爲君謀姚居雲

詩其隱事應閒 按末句兼用儲光義借
問故園隱君子陸敬風聊贈一枝春意

其二

驟見疑還喜堪當我半歸路從今日近信果向來稀同

事交方散殘編道已非老親看慰甚坐久更沾衣

起句入神

驟見卽就老親說○司空文明詩乍見翻疑夢 古詩
遠望可以當歸 殘編見贈雪筋 老親見別字令

王詩坐久落花多
沾衣見圓圓曲

其三

舍弟今年別臨分恰杪秋苦將前日淚重向故人流海

國愁安枕鄉田喜薄收相期裁數紙春雨便歸舟

從別字令

起亦能入情○杜詩舍弟棲卑邑 九辨親抄秋之遙

夜兮杜詩叢菊兩開他日淚 一統志太倉州境俱

東濱海漢書英布傳陛下安枕而卧矣 范致能詩去

年薄收飯不足杜詩老妻書數紙應悉未歸情 春

雨見送胡彥遠謝元

暉詩天際識歸舟

其四

庭樹書來長空階落葉黃酒乘今夜月夢遶一林霜客

過探松塢童饑偃石床因君謝猿鶴開我北山堂結到謀共

隱與首篇相應四首只如一首○古詩庭中有奇樹

何仲言詩夜雨滴空階詩桑之落矣其黃而隕 今夜

月見謁剖公韋應物詩洞庭須待滿林霜 杜牧之

詩晚酒眠松塢 林寬詩饑童尚挈行石床見墨陽觀

孔德璋北山移文蕙悵空今夜鶴怨山

人去兮曉猿驚宋蘭詩開我東閣門

送何蓉菴出守贛州

何蓉菴見送何省齋贛州府志知府何應璜字宗玉桐城

人官生順治十三年任贛延年詩一麾乃出守

一統志贛州府在江西布政司西南一千二百

里

想見征途便還家正早秋江聲連賜第帆影上浮邱兒

女貪成長親朋感去留無將故鄉夢不及石城頭

此言因出

守而便道過家也司空文明詩無將故人酒不及石尤風結句仿之○征途見送黃子羽還家見呈李太虛

江聲見歲暮送苑先晉書賀循傳賜第一區帆影

見過聞果師郭景純詩左挹浮邱袖杜詩兒女忽成

行成長見遺悶親朋見塗松晚發歸去來

離曷不委心任去留石城頭見哭志衍

其二

郡閣登臨迴江湖已解兵百灘爭二水一嶺背孤城石

落蛟還鬪天清雁自橫新來賢太守官柳戰場生

此首切定

贛州○一統志八境臺在贛州府東北城上贛州府志

宣明樓在鬱孤臺左宋嘉定丁丑建于甕城按贛有奎

文閣在舊府學內藏宋高宗御書者詩意似用八境臺

耳登臨見海戶曲沈雲卿詩頻年不解兵陳書高

祖紀南康贛石舊有二十四灘贛州府志舊傳有二十

四灘又云下十八灘又有六六灘之名蓋合上十八而

計之爲六六三十六也然亦無定數一灘之中又有數

名不可勝指明史地理志贛南有崆峒山章貢二水夾

山左右經城之東西貢水一名東江自福建長汀縣流

入府界章水一名西江自湖廣宜章縣流入府界至城

北合流爲贛江一統志賀蘭山在贛州府治西南隅

舊名文筆山頂卽鬱孤臺其左綿亘爲白家嶺石落

見天王寺杜詩蛟龍鬪不開淮南子天清地定趙承

祐詩殘星幾點雁橫塞太守賢見贈李秀州官柳

詳贈蘇崑生戰
場見蟋蟀盆歌

按一統志彭期生官湖西兵備道與楊廷麟萬元吉
同守贛州城破縊死所謂江湖已解兵也順治五年
提督金聲桓副將王得仁反攻圍贛州石落蛟還闕
應指此金震出江陵入順治三年分守嶺北道時
大兵甫定贛州居民十無一二震出加意撫綏劉
武元遼東人順治四年巡撫南贛殘黎漸次安集張
鳳儀遼東人順治四年分巡嶺北金聲桓圍贛與巡
撫劉武元總兵胡有陞竭力守禦一郡獲全天清雁
自橫應
指此

其三

三載爲郎久棲遲
其一貧師恩衰境負友道客途真世
德推醇謹鄉心入隱淪
蕭條何水部未肯受風塵

此首
從世

講生情不脫送字意○更記馮唐傳父老何自爲郎杜
詩蘊藉爲郎久王少伯詩不負信陵恩師見送何省
齋季詩友道孰云喪詩世德作求史記衛綰傳醇
謹無他鄉心見送何省齋杜詩行歌非隱淪水部
見雕橋莊歌世說王戎
云太尉自是風塵外物

其四

弱息憐還幼扶持有大家高門雖宦跡遠嫁况天涯小

字裁魚素長亭響鹿車白頭雙淚在相送日將斜此首就息

女說人情故妙○南史周盤龍傳王成買曰小人弱息
當得一子接詩意猶云弱女也古詩汝是大家子

高門見彈琴歌李于鱗詩天涯宦跡左遷多漢書張

禹傳愛女甚於男遠嫁爲張掖太守蕭咸妻不勝父子

私情天涯見送何省齋小字見永和宮詞古詩呼兒

烹鯉魚中有尺素書白帖十里一長亭五里一短亭

鹿車見遺悶按此兼用後漢書列女傳桓少君事
張承吉詩雙淚落君前錢仲文詩前路日將斜

猿

本草綱目小而尾短者猴也似猴而多鬚者虞也似猴而大者獾也大而尾長赤目者禺也小而尾長仰鼻者狢也似狢而大者果然也似狢而小者蒙頰也似狢而善躍越者獬廌也似猴而長臂者猿也似猿而金尾者狻也似猿而大能食猿猴者獨也

得食驚心裏逢人屢顧中側身探老樹長臂引秋風傲

弄忘形便羈棲抵掌工忽如思父子回叫故山空

此首咏物

形容人妙前四句更爲傳神妙品○杜詩恨別鳥驚心

詩屢顧爾僕

側身見送何省齋老樹見雕橋莊歌

爾雅翼猿所以壽者以長臂好引其氣也

漢書東

方朔傳皆傲弄無所爲屈莊子故養志者忘形

羈栖

見送杜崱武戰國策抵掌而前吳都賦猿

父哀吟獬子長嘯

應德璉詩日暮歸故山

橐駝 橐駝見
鐵獅歌

獨任三軍苦安西萬里行鑄銅疑鶴頸和角廢驢鳴山

負祁連重泉知鄯善清可憐終後載汗血擅功名雅令之作

首尾相應○山海經陽光之山其獸多橐駝善行流沙

中日三百里負千斤杜詩安西都護胡青驄又萬里

可橫行洛陽記漢鑄銅駝二枚在宮西四會道頭夾

路相對張道濟詩鶴頸抽長柄按李洞有移軍駝賦

角之句然詩意似與鳴角之聲相和耳俟考世說王仲

宣好驢鳴祁連見楚兩生行一統志祁連山在甘州

府張掖縣西南前漢書西域傳鄯善國本名樓蘭王

民隨畜牧逐水草有驢馬多橐駝博物志燉煌西渡流

沙千餘里中無水皆乘橐駝知水脈遇其處停不肯行

以足蹋地入於蹋處掘之得水一統志鄯善國在沙州

衛西詩命彼後車謂之

載之汗血見行路難

象

神象何年至傳聞自戰場齒能齧玉德性不受金劊白

足踟跼坐黃門拜舞行越人歸駕馭未許鼻亭狂

工巧之作

首尾亦能相應○象戰見題洗象圖戰場見送何蓉菴

詩元龜象齒

禮昔君子比德于玉焉

琿雅服馴巨

象以小斧刃斲之其金瘡見星月卽合

白足見訪文

學博踟跼坐見謝蒼雪注

初學記晉諸公贊晉時南

越致馴象于臯澤中養之黃門鼓吹數十人令越人騎

之每正朝大會皆入充庭鬻歲書咸康六年臨邑王獻

象一知跪拜

杜詩駕馭必英雄

柳子厚道州毀鼻

亭神記鼻亭神象祠也按首句神象字亦借用此黃魯

直鷓鴣詩鷓鴣應是鼻亭公山

堂肆考象封有庠故云庠亭公

牛

瑩角偏轅快奔蹄伏軛窮賣刀耕隴上執耜犒軍中游

刃庖丁技扶犁田父功 君王思繭栗座右置豳風

原註

時頌戒殺牛文 工鍊之作○劉孝威青牛畫贊朗陵

瑩角介葛瞻聲晉書石崇傳牛本不遲良由御者逐不

及反制之可聽蹠轅則駛矣按偏應作蹠字典蹠讀若

偏魏文帝與曹洪書田單騁奔牛之誑古詩牽牛不

負軛漢書龔遂傳令賣劍買牛賣刀買犢又陳勝傳

輟耕之壟上禮凡獻牛者執耜左傳僖三十三年鄭

商人茲高以乘韋先牛十二犒師莊子庖丁爲文惠

君解牛恢恢乎其於游刃必有多餘地矣陸務觀詩投

老慣扶犁漢書項籍傳問一田父禮祭天地之牛角

繭栗後漢書趙憲傳更始笑曰繭栗犢豈能負重致遠

乎注犢角如繭栗言

小也豳風見宮扇

蒲萄 蒲萄見海戶曲

百斛明珠富清陰翠幕張曉懸愁欲墜露滴愛先嘗色

映金盤果香流玉椀漿不勞葱嶺使常得進君王

三四人妙

○張文昌詩西江佑客珠百斛

陳伯玉餞齊少府序

參差池榭亂山水之清陰梁簡文帝詩林芳翠幕懸

王介甫梅花詩鬢裊黃金危欲墜本草綱目引魏文

帝詔曰蒲桃當夏末涉秋尚有餘暑醉酒宿醒掩露而

食南史劉穆之傳令厨人以金盤貯檳榔一斛以進

之李詩玉碗盛來琥珀光漢書西域傳西則限以

葱嶺而張騫始開西域之迹又大宛國傳漢使采蒲陶

目宿種歸天子以天馬多又外國使來衆益種蒲陶目

宿離宮錦

旁極望焉

石榴

石榴見宮扇

五月華林宴榴花入眼來百株當戶牖萬火照樓臺絳

帳垂羅袖紅房出粉腮江南逢巧笑齟齬向人開

原註江南

石榴多裂北方獨否

工整之作○華林見海戶曲注

韓詩五月榴花照眼明

百株見礬清湖祖詠詩南

山當戶牖

王光庭詩旌旃萬火紅柳子厚詩海榴開

似火白詩燈火下樓臺

絳帳見贈馮訥生潘正叔石

榴賦擢纖手兮舒皓腕羅袖靡兮流芳散

北史魏收

傳石榴房中多子方雄飛詩葉墮殷殷膩粉顯

後漢

書梁異傳注齟齬笑者若齒痛唐

韻齟音蹠

蜀都賦石榴競裂

蘋婆

羣芳譜柰一名頻婆樹與葉皆似林檎而稍大蘋果見海戶曲

漢苑收名果如君滿玉盤幾年沙海使移入上林看對

酒花仍艷經霜實未殘茂陵消渴甚飽食勝加餐

三四七八

最用意當于言外得之○張道濟詩漢苑佳遊地西京

襍記初修上林苑羣臣遠方各獻名果異樹

玉盤見

海戶曲

王仲寶詩轉葉度沙海

西京雜記上林苑

紫柰大如升核紫花青其汁如漆著衣不可浣名脂衣
柰此皆異種也對酒見讚佛詩杜詩老樹飽經霜

史記司馬相如傳常有消渴疾既病免家居茂陵

古詩努力加餐飯

文官果

羣芳譜文官果仁如馬櫛椰

近世誰來尚何因擅此名小心冰骨細虛體綠袍輕味

以經嘗淡香從入手清時珍誇衆口殺核太縱橫

用側筆起

不肯沾煞句下蘇詩茗飲出近世何因見遇劉雪

船白詩詞賦擅名來已久 嵇叔夜絕交書以促中小
心之性楊大年詩 誦仙冰骨照人清白詩 燈下紅裙
間綠袍客難 天味必淡楊誠齋詩 入手知價重

王浚詩 蘭羞脩時珍蘇詩 酸醎不堪調衆口使
君風味好攢眉詩 殺核維旅縱橫見哭志衍

冰

清濁看都淨長安喚買冰見來消易待欲問價偏增潔

自盤中顯涼因酒後勝若求調燮理坐上去青蠅用事脫化

不露痕迹結更入妙唐太宗詩清濁必能澄李長吉詩買冰防夏蠅天寶遺事或勸進士張彖謁楊國

忠曰見之富貴可立圖彖曰君輩倚楊右相如泰山吾以為冰山耳若皎日既出得無失所望乎唐書陸贄

傳增價以市所無拾遺記董偃常以玉精為盤貯水於膝前玉精與水同其潔澈報孫會宗書酒後耳熱

王介甫詩中實費調燮詩傳厲王信讒大夫憂之賦青蠅

南苑春蒐應制南苑見海戶曲注左傳隱五年春蒐師古漢書注天子之命制

書應制見

吾谷行

詔閱期門旅饒歌起上林風雲開步伍草木壯登臨

天子三驅禮將軍百戰心割鮮 親讖罷告語 主恩

深

此首層次分明與七律五七言絕句之同題者皆一時作也。○期門見殿上行。古今樂錄漢鼓吹饒歌

十八曲上林見海戶曲

牧誓不愆于六步七步乃止

齊焉天全呂氏曰大司馬之法伍兩卒旅各有其長使

止齊之者使其步伍之長各自止其止齊其齊也登

臨見送志行易疏三驅之禮三百著人驅禽也宋義

天子不合圍故開一面之網用三驅也劉文房詩當

時百戰心 割鮮見海戶曲主恩深見壽龔芝麓

送田髯淵孝廉南還

梅村田髯淵詩序田子名茂遇髯淵其字松江之華亭人

沈歸愚師曰髯淵

順治丁酉舉人

客路論投分三年便已深每尋蕭寺約共話故園心遠

水明浮棹疎村響急砧灞亭橋畔柳恰爲兩人陰

前半寫交

情後半寫送字○潘安仁詩投分寄石友

蕭寺見楚

兩生序

遠水見送穆苑先

杜詩白帝城高急暮砧

一統志霸橋在西安府咸寧縣東二十五里唐人以送別者多於此因亦謂之銷魂橋柳陰見西田詩其三

其二

窮老無相識如君得數過祇貪懷抱盡其奈別離多晝

靜堪攤卷江寬足放歌勝游佳絕處回首隔關河

此與前首

畧同但前首後半是初送鬢淵時此首後半詠鬢淵南

歸後耳○窮老見遇南廂園叟左傳襄二十九年吳公

子札聘于鄭見子產如舊相識

杜詩可憐懷抱向人

盡王之渙詩應爲別離多

王子安九成宮頌烟闥

夜謚雲房晝靜杜詩攤書解滿牀

杜詩白首放歌須

縱酒

百詩勝遊從此始蘇詩環城三十里處處皆佳

絕

其三

拂袖非長策蹉跎爲老親還家仍作客不仕却依人勝

識酬知己竒懷答鬼神鏡湖千丈月莫染維陽塵

此首言髡

淵爲客之由末句見古道交○拂袖見後東臯歌長策

見松鼠蹉跎見送何省齋老親見別孚令還家見

呈李太虛依人見遇劉雪舫漢書景帝紀朕旣不

敏弗能勝識竒懷見初春夜坐我答鬼神疑用賈生

事杜詩但覺高歌有鬼神復齋漫錄會稽鑑湖避廟

諱改爲鏡湖輿地志云王逸少云山陰路上行如在鏡

中遊名鏡始是耳一統志在山陰縣南三里

吳叔庠詩水中千丈月維陽塵見維陽行

其四

浪跡存吾道風流獨有君羣公雖走幣狂客自掄文樽

酒堪呼月雙峰看出雲可憐滄海上宋玉正參軍

此言鬢淵

文酒之興末句宋玉蓋鬢淵之友○浪跡見楚兩生行序杜詩用拙存吾道又通報袁叔明書雖五侯交書

羣公走幣僕亦在南山之南矣

杜詩四明有狂客唐

書劉廸傳文部始掄才終授位

蘇子卿詩我有一樽

酒范致能詩臺前呼月海光浮

一統志橫雲山在婁

縣西北松江府志又東爲小橫山與橫雲接隴而中介

一水按婁縣與華亭俱附郭雙峰應指此易山川出雲

應德璉詩晨夜赴滄海宋玉見宮扇參軍見臨江

參軍

偶見

挾彈打文鵝翻身馬注坡輕鞭過易水大雪滿滄沱錦

帽垂青鼠銀罌出紫駝少時從出塞十五便橫戈

此與七古

之雪中遇獵應一時作○挾彈見殿上行

〔杜詩〕翻身

向天仰射雲蘇子由云少陵哀江頭詞氣如百金戰馬

注坡驀澗如履平地易水見琵琶行

滹沱見遇劉

雪筋

〔北史〕于闐國傳其王練錦帽金鼠冠又室韋傳

室韋國在勿吉北千里人以捕貂為業多貂及青鼠

〔杜詩〕翠管銀罌下九霄又紫駝之峯出翠釜出塞見

送杜嶽武〔杜詩〕或從十

五北防河又雜虜橫戈數

送詹司理之官濟南

〔原註〕詹楚人余所得士

〔湖廣通志〕崇禎九年丙子鄉試

第二名詹謹之黃岡人推官又謹之字仲庸濟

南推官吏記循吏傳李離者晉文公之理也〔正

義〕曰理獄官也按司理推官亦作司李〔一統志

濟南府山東布政司治所至京師八百里

匹馬指營邱風清肅爽鳩齊言盈萬戶楚客長諸侯梅

發江關信松高日觀秋故人慚鮑叔相送話東游三四最工

後半寫送字○匹馬見蕩子行漢書地理志臨淄名營

邱故齊詩日子之營兮左傳昭十七年鄒子曰爽鳩

氏司寇也漢書高五王傳諸民能齊言者皆予齊戰

國策蘇秦說齊宣王曰臨淄之中七萬戶楚客見楚

兩生行按楚客長諸侯暗用史記當時楚兵寇諸侯語

也諸光義詩今之太守古諸侯陸敬風詩折花逢驛

使寄與隴頭人江南無所有聊贈一枝春王詩已見寒

梅發江關見贈陸生一統志泰山在泰安府北五里

東山名日觀日觀者雞一鳴時見日始欲出小天門有

秦五大夫松史記管晏傳吾始困時嘗與鮑叔賈分

財利多自與鮑叔不以我爲貪知我貧也

杜詩多慚鮑叔知東游見夜宿阜昌

幼女

抱去纔周晬應難記別時信來偏早慧似解識京師書

到遲回問人前含吐詞可憐汝母病臨絕話相思親切有味

首尾相應○說文醉周年也類篇子生一歲也古詩但感別經時北史王紘傳侯景奇其早慧公羊傳

京師者何衆大也杜詩書到汝爲人孟詩林下莫遲回洛神賦含詞未吐舌詩上言長相思

張如哉日一句對三句二句對四句是扇對格又一二三五七句尾皆用去聲字而辟慧字同韻問病字同聲蓋故作狡獪也

送程太史翼蒼謫姑蘇學博梅村程翼蒼詩序新安程翼蒼館丈以道

尊於吾吳爲士子師顧茂倫驪珠集程邑字幼

洪號翼蒼上元人蘇州府志翼蒼江寧人順治

壬辰進士選庶吉士十三年出爲蘇州教授陞

國子助教書太史尹伯庶常吉士姑蘇見磬清

湖學博見

閬州行

道重何妨謫官輕却便歸程門晴雪迴吳市暮山微舊

俗弦歌在前賢文字非卽今崇政殿寥落侍臣衣

此詩之妙

在於切題題內無一字放過也○唐書張說傳宴集賢院故事官重者先飲說曰吾聞儒以道相高不以官闕爲先宋史道學傳楊苜字中立南劍將樂人見程頤於洛頤偶瞑坐時與游酢侍立不去頤旣覺則門外雪深一尺矣杜詩晴雪落長松越絕書吳市者春申君所造闕兩城以爲市在湖里林君復詩竹烟橫點海山微舊俗見新都前賢見讀西臺記文字見廿五日詩宋史道學傳程子字正叔召爲秘書省校書郎旣入見擢崇政殿說書寥落見楚兩生行宋延清詩花落侍臣衣

送郭宮贊次庵謫宦山西

山西通志陽和兵備道郭一鶚河南洛陽人進

士順治十三年任河南府志順治己丑進士郭一鶚廣東布政使按宮僚外轉故云謫宦謫宦

見送何
省齋

薄宦知何恨，秋風刷羽毛。因沾太行雪，憶賜未央袍。問

俗壺關老籌邊馬，邑豪爭傳郭有道。名姓壓詞曹。

此與前首

同妙從謫宦起三句山西四句宮贊五六謫宦山西結句是郭宮贊也與前首送字俱暗寫○薄宦見送張孺高杜詩何恨倚山木梁元帝懷舊賦序長安郡公爲

其延譽扶風長者刷其羽毛曹孟德詩北上太行山

又雪落何霏霏張如哉曰王少伯詩未央前殿月輪

高簾外春寒賜錦袍此借用禮入國而問俗漢書戾

太子傳壺關三老茂上書師古曰壺關上黨之縣也蜀

悅漢紀云令狐茂唐書李德裕傳建籌邊樓馬邑豪

見送馮訥生後漢書郭太傳蔡邕謂涿郡盧植曰吾

爲碑銘多矣皆有慙德惟郭有道無愧色耳唐詩紀

事杜審言謂宋之問武平一曰吾在久歷公等高達夫詩星使出詞曹

送純祐兄之官確山

純祐確山見
贈穆大苑先

五十猶卑宦栖栖在此行官從鵝炙貴客向馬蹄輕風

俗高持論山川喜罷兵清時人物重縣小足知名

起結
送純

祐之官中四句就確山說○高達夫詩末宦從周防

左傳僖五年在此行也南史庾悅傳劉毅家在京口

酷貧曰身今年未得子鵝豈能以殘炙見惠王詩雪

盡馬蹄輕後漢書許劭傳好共覈論鄉黨人物每月

輒更其品題故汝南俗有月旦評焉漢書儒林傳董仲

舒能持論史記魯連傳秦必喜罷兵去季少卿答

蘇武書策名清時漢書薛宣傳粟

邑縣小僻在山中知名見遇姜給事

其二

絕有明湖勝青山屬蔡州曾爲釣臺客今作助陵侯定

訪袁安卧須從叔度游政閒人吏散廳壁掃丹邱

從確山起

三四是純祐之確山也五六引古結到之官○李詩明

湖落天鏡一統志汝寧府周爲蔡及房沈道相諸國

地漢置汝南郡隋大業二年改爲蔡州張如哉曰釣

臺客指爲新中藩幕也一統志朗陵故城在確山縣

西南三十五里後漢書袁安傳字邵公汝南汝陽人

也注大雪積地丈餘洛陽令出案行見人家皆除雪至

袁安門獨無行路除雪入戶見安僵卧又黃憲傳字

叔度汝南慎陽人也穎川荀淑至慎陽遇憲於逆旅與

語移日不能去李頎詩爲政心閒物自閒人吏見送

何省齋廳壁見送沈旭輪楚辭仍羽人於丹邱兮留

不死之

舊鄉

其三

懸瓠城西路關山雪夜刀至今勞戰伐何日剪蓬蒿地

瘠軍租少官輕客將豪相逢蔡父老閒說漢功曹

引古映合

時事非泛填汝寧志者後半歸到之官○一統志古懸瓠城即今汝寧府治本漢上蔡縣地晉時謂之懸瓠城

唐書李愬傳

討吳元濟從事鄭澥見裴度告師期夜

半至懸瓠城雪甚城旁皆鶩鶩池愬令擊之以亂軍聲

黎明雪止愬入駐元濟外宅蔡吏驚曰城陷矣

戰伐見觀通天帖蓬蒿見雁門尚書行

國語瘠土之民

思善陳伯玉詩空懷老臣策未獲趙軍租

五代史後

蜀世家

安重誨復以客省使李嚴爲監軍及嚴至知祥

置酒召嚴因責之目客將王彥鉞執嚴下

父老見贈

雪航

元詩閒坐說元宗後漢書袁安傳初爲縣功曹

又范滂傳太守宗資先聞其名請署功曹又

許劭傳初爲郡功曹按安滂劭皆汝南人也

一統志許應鯤褒城人順治十年知汝陽縣是冬

大兵征楚牧馬汝寧勢且入城內百姓驚恐應鯤

往力爭以受侮自經兵將亦遂拔營去按至今勞戰

伐官輕客將豪應指此而梅村贈穆大苑先詩傷心

下

惟悴朗陵侯征蹄奔命無朝暮身親芻秣養驕騶供
頓三軍尚噴怒赤日黃埃伏道旁鞭梢拂面將誰訴
應亦指牧馬汝寧時事也水經注汝水東經懸瓠
城北元和志汝水屈曲形若垂瓠故城取名焉按後
漢書方術傳費長房者汝南人也市中有老翁賣藥
懸一壺於肆頭及市罷輒跳入壺中此事在晉以前
疑瓠字乃壺字之訛耳
汝水如瓠何云懸乎

其四

落日龍陂望西風動黍禾歸人淮右近名士汝南多河

上孤城迴天中萬馬過一官凋瘵後兄弟意如何

從確山時

事說到之官結句點明兄字○龍陂見龍腹竹歌

歌

漳詩秋風動黍禾

歸人見送穆苑先一統志淮水自

南陽府桐柏縣流入汝寧府經信陽州北又東經正陽
縣南羅山縣北又東入光州息縣界韓有平淮西碑

〔杜詩〕濟南名士多唐書藝文志汝南先賢傳五卷〔詩〕
河上乎翱翔〔一〕統志溱水源出南陽府桐柏山流入確
山縣境一名沙河流至汝陽縣東南入汝水〔一〕統志
天中山在汝陽縣北三里萬馬見雁門尚書行〔一〕官
見哭志衍〔木元虛海賦〕爲洞
爲療〔杜詩〕君子意如何